

www.BibleForChildren.org

Bàc Baxèm 3



Adam hiniq dèh ca mai Êwa, taiq
haq miq dìq dǒng ca con mangai.



Ta dìq ca ngè rôm ma Chuaq, Boc
Plình broq loh, bìh gô pla yi hnao dìq
dǒng. Bìh doi ca mangai cadrì: "I joq
Boc Plình doi ca ìh, 'Ùh jah caq rìm
plì long ta wùan cô ùh'?"



Mangai cadrì tèu
haq: "Ma jah caq dìq
ca plì long ta wùan,
mahaq toq mòiq toq long
ma hon ta'ne wùan, Boc Plình i doi: 'Chôp ùh
jah caq, hadai ùh jah bèq, tàng ùh iu tiaq, èh chôp
cachit.' " Bìh doi ca mangai cadrì: "Chôp
joq 'nàng ùh cachit! Mahaq
Boc Plình loq, tàng chôp
caq plì long 'mat, mat chôp
jah tapèh, jah wìa tìah dàng
Boc Plình, jah canao loq bìac
lem wa

bìac dù."



Jò mangai cadrì hnoq plì da long jìang
caq, ngan lem wa jah broq ca dađeh
wìa khôn rabiaq, haq gich plì caq, hi
khai hadai am dèh ca ống ma yòng ỏi
ti haq, èh ống haq caq dìq. Jò aih, mat
wa baiq ngai jah tapèh,
loq dađeh ỏi rahòng.

Wa haq yốc hla
pốc broq capen
cabàn dèh chac.





Chuaq, Boc Plình
creo ca Ađam, bòch: "Ađam, ìh ỏi ta
leq?" Ađam tều Haq: "Au i tàng bàu da Chuaq ta wùan,
èh au yùq taiq au rahòng, 'màng aih au amot." Boc Plình
bòch: "Cabô ma patô ca ìh loq ca dađeh ỏi rahòng?
Ìh i caq plì Au ma khai thê ùh khòn caq aih ùh?"



Adam têu Haq: "Mangai cadrì ma ìh khai am ðòiq
õi ti au, haq am ca au plì long aih, èh au caq."

Chuaq, Boc Plình doi ca mangai cadrì:

"Ìh khai broq cleq cô?" Mangai cadrì têu:

"Bìh khai padô 'nùt au, 'màng
aih au caq plì."





Taiq 'màng aih, Chuaq, Boc Plình
hnan Ađam loh khoi ca wùan Êđen
đòiq abèq taneh, cla taneh aih ma
khoi yốc đòiq broq loh haq.



'Màng aih Haq hnan con mangai loh
khai ca wùan. Ồi pah mat mahì loh ca
wùan Êđen, Haq thê 'bài chê-ru-bim
wê pla chang gùm ca-ah camla
tawìh cô tau òi q wèq trong lam
trùh Long Can
Rìh.



Ađam caq õi dèh ti mai Êwa, èh mai haq hadràp wa xa-ông Cain. Êwa doi: "Nhò Chuaq jùp ðò, au khoi jah xa-ông ca mòi q ngai calô." Êwa xa-ông hòm Abên, oh Cain. Abên broq bìac ban trìu, mahaq Cain broq bìac abèq taneh.




Atiq cô èh Cain yǒc 'ràng dahwèq abroq enh ðùng
taneh broq ngè tadreo am ca Chuaq. Abên hadai yǒc
'ràng trìu ramua wa ramaq am ca Chuaq.

Chuaq ngan hnoq Abên wa nhàn ngè
tadreo da haq, mahaq Haq ùh ngan
trùh Cain wa ùh nhàn ngè tadreo
da haq. Cain nòih ðìq jaq, nhìn
mùh mat wa loh
mango

ðìq jaq.



Cain adràc Abên oh haq loh ta ðùng. Jò wa baiq ngai òi ta ðùng, Cain clǒng tùh jêh đac Abên oh haq.




Chuaq bòch Cain: "Abên oh ìh ta leq?" Haq têu: "Au ùh 'nì. Au mangai wèq dèh oh 'mòh?" Cain wia hangai ca mat Chuaq. Haq lam ỏi ta gùng Nôt, pah mat mahì loh da wùan Êđen.



Adam caq õi dèh ti mai mòiq yàng hòm. Mai haq xa-ông con calô, hiniq haq Sê. Êwa doi: "Boc Plình khoi am ca au mòiq toq con calô 'noi q thai ca Abên ma Cain khoi jêh đac."



Atiq ca Ađam wia baq da con calô Sêť, haq õi rih tam 800 hanam, èh haq i con calô wa con cadrì ma 'noi q hòm. 'Màng aih Ađam halinh jah 930 hanam, èh haq cachìť.




Chuaq hnoq bìac ngang dù hlòm da con
mangai ta crõng taneh; manoh hèm da
wì haq xôq 'mèq 'mac hloi hloi.



Chuaq doi: "Au raliang đac con mangai Au ma broq loh khoi enh taneh. Enh con mangai trùh ngè aban ta hnem, ngè rôm, ngè 'yêh wa chìm ta plình, ma jah 'màng aih Au rawòì Au khoi broq loh wì haq."



Mahaq Noah jah xôq enh ngĩa Chuaq. Noah wĩa
baq da piq toq con calô: Sem, Ham wa Japhêt.



"Taiq Boc Plình loq waq ca mangai õi
crõng taneh trùh 'mòi Haq khoi am ca
wì Con Mòi q da Haq, waq ca mangai
leq lùì canòm ca Con aih, ùh hnhung,
mahaq jah i can rìh hloi hloi."



Rôma 3:23 taiq rìm ngai khoi broq tôiq, ma jah khoi xùch jrùh đac ca can 'ngah 'ngai lem da Boc Plình,

Rôma 6:23 Ma jah 'màng aih cùng baha da tôiq lôl aih can cachit, mahaq bìac am dech da Boc Plình aih can rìh hloi hloi ta Chuaq Jêxu Crich, Chuaq bèn.

Hêbru 9:27 Tiaq troi khoi pajaq ca con mangai ep cachit mòiq yàng, atiq ca aih ep chiuq bìac hadrah,

Ê-phê-sô 2:8,9 Taiq nhò bìac am dech, pì ma jah dèch claih nhò manoh lùl. Bìac aih ùh xài trùh enh pì, mahaq bìac da Boc Plình hnhu am. Aih ùh xài bìac cla pì broq jah, waq ca ùh cabô jah catèh dađeh,



Rôma 10:9,10 Tàng hacùng ìh doi Chuaq Jêxu, aih Chuaq wa manoh ìh lùì Boc Plình khoi broq Haq rìh hlài enh mangai cachit, èh ìh jah dèch claih. Ma jah 'màng aih mangai leq lùì ta manoh èh jah ta-atoq wa anoi hloh xam hacùng doi dađeh lùì, aih jah bìac dèch claih.

Jon 3:16,17 "Taiq Boc Plình loq waq ca mangai ỏi crống taneh trùh 'mòi Haq khoi am ca wì Con Mòi q da Haq, waq ca mangai leq lùì canòm ca Con aih, ùh hnhung, mahaq jah i can rìh hloi hloi. Ma jah 'màng aih, Boc Plình thê Con Mòi q da Haq trùh ta crống taneh, ùh xài thê Haq hadrah ta'mòq tôiq, mahaq waq ca wì canòm Haq đòiq jah dèch.



1 Jon 5:11-13 Bàu anoi hlài aih 'màng cô: Boc Plình khoi am ca bèn can rìh hloi hloi wa can rìh aih ỏi ta Con Haq. Mangai leq i Con èh i can rìh. Mangai leq ùh i ca Con Boc Plình èh ùh i can rìh. Au achìh bìac cô ca pì, mangai lùì hiniq Con Boc Plình, waq ca pì loq joq 'nàng dađeh i can rìh hloi hloi.



Bìac Baxèm 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Hre Bible (hre) © 2019 WEC International

<https://www.bible.com/bible/2512/GEN.1.HREB>

©2026 Bible for Children, Inc.

www.M1914.org www.bibleforchildren.org

